



SALA STAMPA DELLA SANTA SEDE
BOLLETTINO

HOLY SEE PRESS OFFICE BUREAU DE PRESSE DU SAINT-SIÈGE PRESSEAMT DES HEILIGEN STUHLS
OFICINA DE PRENSA DE LA SANTA SEDE SALA DE IMPRENSA DA SANTA SÉ
BIURO PRASOWE STOLICY APOSTOLSKIEJ دار الصحافة التابعة للكرسي الرسولي

N. 230527d

Saturday 27.05.2023

Mission and Letter of the Holy Father to the special envoy at the National Eucharistic Congress in the Democratic Republic of the Congo (Lubumbashi, 4 to 11 June 2023)

His Eminence Cardinal Luis Antonio G. Tagle, pro-prefect of the Dicastery for Evangelization, Section for First Evangelization and the new particular Churches, appointed as special envoy to the National Eucharistic Congress in the Democratic Republic of the Congo on 13 April 2023, will be accompanied by a Mission composed of the following ecclesiastics:

- The Reverend Georges Kalenga Masuka, of the clergy of Kolwezi, second adjunct secretary general of the Episcopal Conference of the Democratic Republic of the Congo;
- The Reverend Yvon Kilongo Kafuku, of the clergy of Lubumbashi, director of the pastoral centre of the archdiocese of Lubumbashi.

The following is the Holy Father's letter to His Eminence Cardinal Luis Antonio G. Tagle:

Letter of the Holy Father

Venerabili Fratri Nostro

Aloisio Antonio S.R.E. Cardinali TAGLE

Pro-Praefecto Dicasterii pro Evangelizatione

Eucharistiae mysterium centrum sacrae liturgiae est et totius vitae christianae. Ecclesia vero, a Spiritu Sancto gubernata, constanter quam maxime et vivere et intellegere illam beatam praesentiam Domini in medio plebis suae sanctae quaerit. Ipsa enim est fons nostrae inspirationis ad catechesim tradendam, liturgiae pulchritudinem curandam riteque celebrandam et catholicam fidem corroborandam itidemque, veluti in casu dilectissimae

Ecclesiae in Republica Democratica Congensi, ad inchoandum Congressum Eucharisticum Nationalem, quod, ut vehementer speramus, haud parum fructum et nunc et futuro tempore spiritualis emolumenti parere possit.

Ut vero christiani una cum pastoribus eis praepositis maximo in honore Sacratissimam Eucharistiam habeant et vinculum unitatis inter se, cum universali Ecclesia beatique Petri Successore colant, excipimus petitionem, quam Venerabilis Frater Marcellus Utembi Tapa, Archiepiscopus Metropolita Kisanganiensis simulque Praeses Conferentiae Episcopalis Reipublicae Democraticae Congensis per Nostrum Nuntium Apostolicum in hac Natione Venerabilem Fratrem Hectorem Balestrero, Archiepiscopum titulo Victoriensem, debito modo manifestavit, nempe ut Patrem Purpuratum illuc mittamus, qui Nostram gerat personam. Ideo, ad te mentem Nostram convertimus, Venerabilis Frater Noster, qui munus Pro-Praefecti Dicasterii pro Evangelizatione exercens variis occasionibus fidelitatem tuam Domino eiusque Ecclesiae una cum pastoralis zelo et apostolica sollicitudine es testatus.

Haec quidem considerantes, te Nostrum Missum Extraordinarium constituimus ad Congressum Eucharisticum Nationalem in Republica Democratica Congensi diebus IV-XI proximi mensis Iunii in urbe Lubumbashi celebrandum. Una cum sacris Praesulibus totoque Dei populo illius Nationis, laudis eucharisticum sacrificium offerens, devote reddas gratias Sanctissimae Trinitati pro sublimi dono Sacratissimi Corporis et Sanguinis Christi, quibus vero nos mortales hac in terrena vita, Deus immortalitate vitae aeternae enutrit et animat necnon de qua spe quaesumus ferventer praedices ad corroborandas et augendas christianorum ibi praesentium fidem, spem et caritatem.

Mens Nostra est, ut huius Nationis Pastores diligenter christifideles inducant ut frequenter sacramento paenitentiae animas abluantur et hoc modo recte parati sacro convivio reficiantur. Illos autem hortamur ut precibus sacerdotes suos enixe sustineant, qui a Deo electi, populo mediatorum ministerio funguntur quo ipse Christus in medio plebis sui de sinu Patris super altare quotidie descendit.

Legationem Tuam et totum Congressum sollicite committimus intercessionem Beatissimae Virginis Mariae, beati Isidori Bakanja omniumque sanctorum qui a populo ibi coluntur. Benedictionem inde caelestis gratiae nuntiam et propensam Nostram voluntatis testem quam tibi imprimis libenter impertimur, volumus Nomine Nostro cunctis Pastoribus, religiosi viris et mulieribus, christifidelibus laicis, civilibus auctoritatibus et omnibus Congressus Eucharistici participibus peramanter largiaris.

Ex Aedibus Vaticanis, die XXV mensis Aprilis, in festo s. Marci, Evangelistae, anno MMXXIII, Pontificatus Nostri undecimo,

FRANCISCUS
